

ლოქსი

საქართველოს
1993 წლის

თავის სახელს დეპუტატთა რაიონული საბჭოს ორგანო

№8 (6383) 19 იანვარი შაბათი 1991 წელი ფასი 5 კაპიკი

ნაინდა გიორგის სამიჯნო გვიხმობს

ასეთი განსაცდელი, ასეთი ძნელდებოდა უამრავი რომ საქართველოში, მთელ კავშირში თუ მსოფლიოში ჩვენს მამებსა და პაპებს, თვით უზუცქ ადამიანებსაც კი არ ახსოვთ. თითქმის ყველაფერი ერთმანეთს გადაეხლართა, ჩვენთან მ აპრილის დაღვრილი სისხლი ლიტველი ხალხის, საერთოდ, დამოუკიდებლობისათვის მებრძოლი რესპუბლიკების გაფრთხილება იყო. ახლა კი პირიქით, იქ დაღვრილი სისხლი ჩვენი გამაფრთხილებელია.

სწორად თქვა ბატონმა ზვიად გამსახურდიამ, ჩვენთვის რეკვენ ზარები, ლიტვაში 15 იანვარი გლოვის დღედ იყო გამოცხადებული, დაკრძალვა იმ ადამიანებისა, ვინც დამოუკიდებლობისათვის ბრძოლის მსხვერპლი გახდა, ზარები რეკენ. ეს ზარები დაკრძალულთათვის კი არა, ჩვენთვის, ცოცხლებისათვის რეკენ.

აი უკვე ნათლად გამოჩნდა იმ გარდაქმნის შედეგი, რასაც კრემლი მთელი ზუთი წლის მანძილზე გვთავაზობდა. დემოკრატიასთან თამაში—აბა რა შეიძლება ეწოდოს ყოველივე ამას, აუცილებელია ჩვენი ეროვნული კონსოლიდაცია, ერთ კედლად თუ არ დავდგებით, ერთ სულ და ერთ ზორც არ შევიკვრებით ეს ჩვენი უზუნო საქციელი, ჩვენი პოლიტიკური სიბეცე იქნება, ყველაზე აუცილებელი ეროვნული კონსოლიდაცია, ჩვენი კიდევ უფრო გამოფხიზლება და დღევანდელი დღის სრული ასპექტით შეგრძნება.

ჩვენს ძირძველ სამაჩაბლოს მიწაზე სისხლი იღვრება, ცენტრის მხარდაჭერით, მიხეილ სერგის ძე გორბაჩოვის 7 იანვრის ბრძანებით გადიდგულეული ოსი ექსტრემისტები არ ინდობენ სიმშვიდის დასაცავად იქ ჩასულ საქართველოს მილიციის წარმომადგენლებს.

აღიწროებენ ქართულ მოსახლეობას. სიმართლე ჩვენს მხარეზეა, გვწამს სამართლიანობა გაიმარჯვებს, მაგრამ რაც შეიძლება ნაკლები მსხვერპლის ფასად უნდა მოვიპოვოთ იგი. ამიტომ მეტისმეტი სიფხიზლე და თითოეული ჩვენგანის აქტიური მოქმედება, საქართველოს უზენაესი საბჭოსადმი მხარდაჭერა გვმართებს, რომ თავი დაგვადოთ ჩვენ წინ აღმართული ურჩხულის კლანჭებს. ექმაროს იმ ცრემლს, იმ ტანჯვას, რაც ჩვენმა ხალხმა გადაიტანა და ბოლოსდაბოლოს განახლებული ცხოვრებები გვაზე დავმდგარიყოს.

ს. ჩაბკიშაძე.

რესპუბლიკის დამსახურებული მასწავლებელი.

საქართველო ჩვენი სამოქალაქო

დღის უკუღმართობამ ებრაელობას თავის სამშობლო დაკარგინა და თავშესაფარი საქართველოში, ქართულ მიწაზე ვაოცეთ. მაგრამ ამით არავის არაფერი არ წაუგია, 2600 წლის მანძილზე ერთმანეთთან შეთანხმებული, ტყბილად და მეგობრულად ვიცხოვრეთ, მშვენივრად გრძნობდნენ თავს ჩემი მამა-პაპანი, ყოველთვის კმაყოფილებას გამოხატავდნენ ქართველი ერისადმი და უბრალო უთანხმოებაც კი ამ ორ ერს შორის არასოდეს არავის არ ახსოვს.

იყო დრო, როცა ლეჩხუმის ულამაზეს სოფელ ლაილაში 300-მდე ებრაელის ოჯახი ცხოვრობდა, დროთა განმავლობაში

ზოგი საცხოვრებლად რესპუბლიკის სხვადასხვა ქალაქებში გადავიდა, ზოგს კი გულმა მაინც თავის სამშობლოსაკენ გაუწია და როგორც კი წასვლის უფლება მიეცათ ისრაელში გაემგზავრნენ. მაგრამ არ ავიწყდებათ საქართველო, ებრაელთა მასაზრდოველი მიწა-წყალი. როგორც მშობლიურს ისე მოიხსენიებენ ყველაფერს აქაურს. მე კი საქართველოში დარჩენა ვამჯობინე. შევექმენი ქართული ოჯახი, ნყავს შვილი, რძალი შევიღვივებ.

ოსებიც ასევე ნელ-ნელა ჩამოესახლნენ ჩრდილო კავკასიიდან ქართულ მიწაზე. სამაჩაბლოში შექმნეს სოფლები და დღეს ზემდგომი მოსტრევის ქართველებს

წაართვეს თავისი მიწა-წყალი. რაც არასწორია. ნუთუ ოსები ასეთი უნადურები არიან. ვერ გამოიხატეს ქართველებთან საერთო ენა. ვანა არ იციან ქართული მიწის მიტაცებას, უნადურობას და შეურაცხყოფას ქართველი არავის აპატიებს. იმედი მაქვს, რომ სამართლიანობა გაიმარჯვებს. გვმობ ოსი ექსტრემისტები ასეთ აღვირახსნილ მოქმედებას, მთელი ჩემი ოჯახით მხარს ვუჭერ საქართველოს უზენაესი საბჭოს გადაწყვეტილებას ამ ძირძველ მიწაზე ავტონომიური ოლქის გაუქმების შესახებ.

ნორა მამგალიშვილი.

სოფ. ლაილაში.

ქრისტიანული დღესასწაულები ნათელი სიღებე

„და იყო იმ დღეებში, მოვიდა იესო გალილეის წაწარმით და ნათელ იღო იორდანეში იოანესაგან“.

მარტო (1, 9)

19 იანვარს (ძველი სტილით 6 იანვარს) აღინიშნება 12 უდიდეს ქრისტიანულ დღესასწაულთაგან ერთ-ერთი—ნათლისღება და განცხადება უფლისა მაცხოვარისა იესო ქრისტის. ბიბლიური წინასწარმეტყველები წინასწარმეტ-

ყველებდნენ უფლის ძის მოვლინებას ღვთაებრივად, რომელიც გამოიყვანდა ისრაელის ცოდვებს და საუკუნო ცხოვრებას მიანიჭებდა მორწმუნეთ. საუკუნეების მანძილზე ელოდნენ მორწმუნენი ღვთის განკაცებას. მათ რწმენას აძლიერებდა წინასწარმეტყველთა ღვთიური ნიჭი ადამიანთა განკურნებისა და ათასგვარ სასწაულთა მოხდენისა. და ამა, აღსრულებული ნება—ქალწულმა შვა

ძე ღმრთისა, მაგრამ ამ სასწაულს შესაძებ ჯერ მხოლოდ ცოტამ თუ იცოდა. ხალხისათვის კი ჯერ დაფარული იყო ეს დიდი საიდუმლო.

იესოს ყრობა და სიბავშვე ადამიანებდა, რომ ის არ იყო უბრალო მოკვდავი. მისი ქადაგებანი, სასწაულომოქმედებანი და კურნების ნიჭი იმედეებს აღძრავდა კეთილმორწმუნეთა გულებში,

მაგრამ უფლის მიერ ჯერაც არ განცხადებულყო, რომ იგი იყო ძე ღვთისა. განცხადება მოხდა იესოს წყლით მონათვლის შემდეგ.

როგორც ახალი აღთქმის საღვთო ისტორია მოგვითხრობს, ამ დროს იესო 30 წლისა იყო.

1. ტიბერიუს კეისრის მმართველობის მეფეთმეტე წელს, როცა პონტიუს პილატე იუდეის

მთავარი იყო, პეროდე გალილესა მეოთხეთმთავარი, ფილიპე, მისი ძმა, —იტურისა და ტრაქტონიტის მხარის მეოთხეთმთავარი, სოლო ლისანია—აბილენეს მეოთხეთმთავარი.

2. და როცა მეფეთმთავრები იყვნენ ანა და კაიფა, გაისმა სიტყვა ღმრთისა იოანეს, ზაქარიას ძის მიმართ, უდაბნოში.

(„საქარული მე-2 გვერდი“).

ეროვნული თავდაცვის ფონდი

გულის პარნახი



ეროვნული

პარნახი

მომემ დღეები აქვს ქართველ ხალხს—პოლიტიკური, სოციალური, ეკონომიკური თვალსაზრისით. მომწიფდა აზრი შეიქმნას ეროვნული თავდაცვის ფონდი ქართველებმა თავად უნდა უპატრონონ საქართველოს, დაიცვან საკუთარი ერისა და ხალხის ინტერესები. ამიტომ საქართველოს რესპუბლიკის მინისტრთა საბჭომ დააკმაყოფილა საზოგადოებრიობის მოთხოვნა და შეიქმნა საქართველოს ეროვნული თავდაცვის ფონდი.

საქართველოს რესპუბლიკურ ბანკს დაევალა გახსნას შესაბამისი ანგარიშები შრომითი კოლექტივებისა და ცალკეული მოქალაქეების მიერ ამ ფონდის სა-

ხელზე თანხის გადასარიცხად ბანკის ყველა რაიონულ თუ საქალაქო განყოფილებაში გაიხსნა მე-700 ანგარიში.

ბევრმა საწარმომ, ორგანიზაციამ ანგარიშის გახსნისთანავე გამოხატა თავისი ნება ამდიდ ეროვნულ, პატრიოტულ, მოქალაქეობრივ საქმეში. ღვინის სასოფლო საბჭომ 150 მანეთი გადარიცხა მე-700 ანგარიშზე, ქვედა ცაგერის სასოფლო საბჭომ—65, ორბელისამ—50 მანეთი. გაზეთ „ლეჩხუმის“ რედაქციის კოლექტივმა 250 მანეთი გაიღო მე-700 ანგარიშზე ჩასარიცხად.

ლეჩხუმელი მწრომელები თავიანთ სიტყვას იტყვიან საქართველოს ეროვნული თავდაცვის საქმეში.

კეთილი გულით

მ ი ძ ღ ვ ნ ი ლ ი

14 იანვარი, მართლმადიდებლური ეკლესიის მიხედვით ახალი წელი, ცაგერში მიტინგით აღინიშნა. ეს იყო პოლიტიკური მიტინგი, რომელიც მიემდგვნა სამაჩაბლოში დღეს არსებულ სიტუაციას და ლიტვის ტრაგედიას. მაშინ, მიტინგზე გამოითქვა აზრი გეგზავნათ სურსათ-სანოვარე სამაჩაბლოში განლაგებული ქართული მილიციისათვის. ამ წინადადებას მიტინგის ბევრმა მონაწილემ სიამოვნებით დაუჭირა მხარი იქვე გადაწყდა კულტურის სახლში გამოყოფილიყო ერთი ოთახი მოსახლეობის შემოწირულების მისაღებად.

მეორე დღიდანვე გამოეხმაურა რაიონის საზოგადოებრიობა მიტინგის ამ გადაწყვეტილებას, მილიციის რაიონულ განყოფილებაში, კულტურის სახლში ათობით ადამიანი მოვიდა ხელდამშვენებული თავიანთი ნობა-

თები მოიტანეს საწარმო-დაწესებულებებშიც. მოქმედით ყველაფერი რაც საველე პირობებში გამოადგებათ მეომრებს. მილიციის თანამშრომელთა ერთი ჯგუფი 16 იანვარს გაემგზავრა ცხინვალში კოლეგების შესაცვლელად. სამაჩაბლოს მათ მეორე ჯგუფი შეცვლის, ისინი წაიღებენ ლეჩხუმელთა ამ ძღვენს და გულის სითბოს, რომლითაც ხალხი ლოცავს სამშობლოს დამცველებს.

ქველმოქმედება არ ყვირის. ამიტომ ჩვენც არ ვასახელებთ ამ აქციაში მონაწილე პიროვნებებსა და დაწესებულებებს. ისინი ხომ ბევრნი არიან. მათ ღმერთი მიაგებს სანაცვლოს. მხოლოდ გვინდა დიდი მადლობა ვუთხრათ ყველა მათგანს. კეთილი გულით მძღვნელი ხომ მცირედიც შეიწირების.

ვამოვთი მანტრის აბრეშინი!

ერთ მუშტად შევიკრათ

ბაღდადს თუ სხვა ქრისტიანულ დღესასწაულს ახლა, მადლობა ღმერთს, შეფარვით არ ვდღესასწაულობთ. იმ დამესაც, ახალი წლის წინაღობას, მოველოდით უზენაესი საბჭოს თავმჯდომარის ბატონ ზვიად გამსახურდიას ძველი სტილით ახალი წლის მოლოცვას. ფსიქოლოგიური სტრესებიდან დროებით განმუხტება. ახალი წელი ხომ მაინც ახალი წელია, მაგრამ მოლოცვის მაგიერ მთავრობის სახლის წინ გამართულ მიტინგზე მისი სიტყვა მოვისმინეთ.

სულით ხორცამდე შეგვძრა ყველა ამ გამოსვლამ, არ მახსოვს მსგავსი ასეთი ტონი, აბა, რომელ ნორმალურ ადამიანს არ შეაძრწუნებს ის, რაც სამაჩაბლოში ხდება, რაც ლიტვაში ხდება, სადაც ტანკებით გადაუარეს უიარაღო, უდანაშაულო ქალებს და კაცებს, 7 წლის გოგონას და დაბრუნებული 9 აპრილის მსგავსად, დღეს არა მარტო ჩვენ, მთელი მსოფლიო ბოლომდე დარწმუნდა, რომ სსრკ კავშირისთანა პირსისხლიანი აგრესორი არ იცის მსოფლიო ისტორიამ, დამთავრდა—ნილაბი ანაბა, დემოკრატია, გარდაქმნას, ნობელის პრემიის ლაურეატს, გაშიშვლდა მისი პიროვნება.

ლიტველ ხალხს, თავისუფლებისმოყვარე გმირ ხალხს სჭირდება

თანადგომა და ამაში ორი აზრი არ არსებობს. მეგობარმა საუბარში ჰქვიანი კაცის ნათქვამი, ძალზე კარგი ნათქვამი ჩამომამოთხვია: კალთა იწვოდა ხელში სიცილი დაუწყაო. რა გაცინებსო, შენიშნა კალთაზე, შენამდეც მალე ამოვუწვავო.

ღიახ, ლიტვაში დატრიალებული ტრაგედია ხელოს გაკვეთილია. ჩვენივე. მართალია რუხთაველზე, როგორც ზვიადმა თქვა, ჯერ არ დაგრუხუნებენ ტანკები, მაგრამ ყურებში უკვე გვიწვივს მათი დამთრგუნველი ხმა.

რა გეშველის, არსებობს გამოსავალი? მე ისევ ოპტიმისტად ვრჩები და ვამბობ—არსებობს. ეს არის ჩვენი სიმტკიცე, ერთიანობა, ერთ მუშტად შევიკრა. დღეს და ყოველთვის გულს მტკნეს, რომ ჩვენ ყოველთვის ვიხილავდით და ვიხილავდით პარტიზანულ, ბლოკადულ, ოფიციალურ და არაოფიციალურ საზოგადოებად. დღეს მაინც მოვეგოთ გონს, აღარაა შევისა და თეთრის გარჩევის დრო, საქმე ეხება საქართველოს ბედს, ჩვენი შეილება მთავარს, მათ სიცოცხლეს.

არა მგონია სახელმწიფოში, სადაც ადამიანები თვალის დაუხამხამებლად გაუღიანეს არა ერთ-გზის, ზნეობრივ პრინციპებს დავეფუძნოთ, შიმშილობა ან სხვა მსგავსი აქციები ვერას გვიშვე-

ლის. საჭიროა სულიერი და ფიზიკური სიმტკიცე, ისევ გონიერება და გონიერება, სიმშვიდე, რომ ცენტრის ახალ ანგეზს არ წაოვედგოთ.

ცხინვალში ქართული მილიცია მიწის ტომების ბარიკადებით იცავს თავს, ოსი ექსტრემისტები კი ავტორტანსპორტიორებით, ისინი კბილებამდე არიან შეიარაღებული. ამ დროს ქართულ მილიციას იარაღი სამართხრო აქვს. ასეა, მოქმედებს, გვესვრის, სისხლს ღვრის ცენტრი. და ჩვენ მაინც ვცდილობთ უსისხლოდ, უმსხვერპლოდ მოვავით გონს ოსები, რომლებიც შევიფარეთ, დავაპურეთ და ახლა ასე გვიხდიან სანაცვლოს.

ამიტომ ისევ და ისევ ჰქუა, მოთმინება, სიმშვიდე გვძირებს, თორემ ამ ეტაპზე საქართველოსთვის არავის სცხელა. მოსკოვში, საზღვარგარეთელ ჟურნალისტს რომ პკითხეს, რა აზრისა ხართ საქართველოში დატრიალებულ მოვლენებზე, საქართველოსთვის ვიღას სცხელა, სპარსეთის ყურეში მესამე მსოფლიო ომი იწყებაო.

ასე რომ, ნურავის და ნურაფრის იმედი გვექნება. მხოლოდ და მხოლოდ დავეყრდნობ ჩვენს მთლიანობას, სიმტკიცეს, სიმაღლეს. მზად უნდა ვიყოთ ყველაფრისათვის.

მ. ქანლაძე.

9 აპრილის სცენარი

გაზრდილობა. ათასგვარი პრობლემები დაგროვდა ჩვენს ირგვლივ. საქართველოში მცხოვრები ყველა ეროვნების ადამიანთა თანაგრძნობაა აუცილებელი; ერთიანი ძალით თუ გავუძლავდებით საერთო მტერს, მით უფრო ჩვენ, ქართველებს კი უფრო მეტი თავგახწირვა, ერთ სულ შეკერა გვმართებს. ეგრეთწოდებულ სამხრეთ ოსეთში დაძაბულობამ პანიკაში არ უნდა ჩაგვაგდოს, მთავარია შევინარჩუნოთ სიმშვიდე და მტერს გონიერებით ვაჯობოთ. სხვა გამოსავალი არა გვაქვს.

უჭირთ სამაჩაბლოს ტერიტორიაზე სიმშვიდის დასაცავად მდგომ საქართველოს რესპუბლიკის შინაგან საქმეთა განყოფილებების მუშაკებს, თითქმის ყოველდღე არასასიამოვნო ამბების მოწმე ვხვდებით, ახლახან ოსი ექსტრემისტების თავდასხმამ, ცეცხლსასროლი იარაღის გამოყენებამ ხელყო შინაგან საქმეთა

განყოფილების მუშაკთა სიცოცხლე. უიმედობა და ხელის ჩაქნევა არას გვარგებს, საქმე ჩვენი მიწის ხელყოფას ეხება და ჩვენც მათ გვერდით უნდა ვიყოთ, რითაც შეგვიძლია დავეხმაროთ მათ.

სასურსათო პროდუქტების გაგზავნის შესახებ გაისმა მოწოდება 14 იანვარს ცაგერში გამართულ მიტინგზე. მხარს ვუჭერ ამ მოწოდებას და მოვუწოდებ ყველა ლეჩხუმელს უფრო ფინანსად, უფრო აქტიურად ვიმოქმედოთ, უკან დახევვა შეუძლებელია. სამაჩაბლოს ტერიტორიაზე განლაგებულ რესპუბლიკის მილიციის ნაწილების სურსათით უზრუნველყოფის, მათი გაძლიერების საქმეში უფრო აქტიური წვლილი უნდა შევიტანოთ ჩვენ. მოსახლეობამ ყველაფერი გააკეთოთ, რომ ჩვენს შეილებს და შევილიშვილებს ერთიანი, განუყოფელი, თავისუფალი საქართველო ჩავაბაროთ.

ჟორა ხაცყრიანი.

ქ. ცაგერი.

ადრესატია სსრკ პრეზიდენტი

მოსახლეობის საყოფაცხოვრებო მომსახურების სამმართველოს კოლექტივი მიტინგზე შეიკრიბა. მათ პროტესტი გამოხატეს სსრკ კავშირის პრეზიდენტის მიმართ, მისი 7 იანვრის ბრძანებულების გამო, რომლის

შედეგიცაა შიდა ქართლში არსებული დღევანდელი ვითარება.

ცენტრმა უნდა შეიგნოს, რომ ის არის აგრესორი, შუღლს აღვივებს ერებს შორის, სისხლით უნდა შეინარჩუნოს იმპერია.

მშრომლებმა სოლიდარობა გამოუცხადეს გმირ ლიტველ ხალხს, რომლის სწრაფვას თავისუფლებისაკენ წინ ვერაფერი აღუდგება. მიტინგის მონაწილეებმა თავიანთი გულისტკივლი გამოხატეს გორბაჩოვისადმი გაგზავნილ საპროტესტო დეპეშაში.

ნათლისღეგა

(დასასრული).

3. და მოიარა იორდანეს მთელი შემოგარენი, და ქადაგებდა ნათლისცემას სინანულისას ცოდვითა მისატევებლად“ (ლუკა, თავი 3). ვინ იყო იოანე ნათლისმცემელი, ვინაც წყლით მონათლა მორწმუნენი და თვით იესოც კი? მის შესახებ დაწვრილებით მოგვითხრობს ლუკას სახარება:

იუდეაში ჰეროდეს მეფობის დროს ცხოვრობდა მღვდელი ზაქარია. ის და მისი ცოლი ელისაბედი მართალნი იყვნენ, ვინაიდან წმინდად იცავდნენ და ასრულებდნენ ღვთის ყველა მცნებას. სიბერემდე შვილი არ ჰყავდათ, თუმცა ყოველდღე ემედობდნენ ღმერთს.

ერთხელ მღვდელთმსახურების დროს ტაძარში ზაქარიას გამოეცხადა უფლის ანგელოზი, რომელმაც შენიშნულ მღვდელს გადასცა ღვთის სიტყვა:

13. „ნუ გეშინია, ზაქარია, ვინაიდან შესმენილ იქნა შენი ვედრება, და შენი ცოლი ელისაბედი გიშობს ძეს, და უწოდებ მას სახელად იოანეს.“

14. და იქნება შენი სიხარული და სიხალისე და მრავალი გაიხარებენ მისი შობით.

15. ვინაიდან დიდი იქნება უფლის წინაშე, ღვინოსა და სიკერას არ დაღვეს და სულათ წმინდით აღივსება დედის საშოშივე.

16. და ნრავალ ძეს ისრაელისას მოაქცევს უფლის—მათი ღმერთის მიმართ“ (ლუკა, თავი 1).

ზაქარიამ ვერ ირწმუნა ანგელოზის ნათქვამი უფრო იმის გამო, რომ ისიც და მისი ცოლიც უკვე ხანშიშესულნი იყვნენ. ამიტომ ანგელოზმა დაამუხჯა იგი იმ დღემდე, ვიდრე მისი სიტყვა არ აღსრულდებოდა. იმ დღიდან ელისაბედი მართლაც იყო მუცლად.

ამ ამბიდან მეექვსე თვეს გაბრიელ მთავარანგელოზმა ახარა ქალწულ მარიამს, რომ იგი მოხდა უფლის ძეს და ღმერთის ყოვლისშემძლეობის დასტურად ელისაბედის მაგალითი დაუსახელა. ქალწული დააინტერესა ამ ამბავმა და გადაწყვიტა ელისაბედის მონახულება.

40. შევიდა ზაქარიას სახლში და მოიკითხა ელისაბედი.

41. როგორც კი გაიგონა ელისაბედი მარიამის მოკითხვა, ყრმა შეიძრა მის მუცელში და აღივსო სულით წმიდით ელისაბედნი.

42. და შელაღდა ხმამაღლა და თქვა: კურთხეულ ხარ შენ ასულთა შორის, და კურთხეულია შენი მუცლის ნაყოფი!“ (ლუკა, თავი 1).

მარიამმა 3 თვე დაჰყო ელისაბედთან, ბოლოს კი დაბრუნდა სახლში.

ელისაბედმა ანგელოზის სიტყვისამებრ შვა ძე, რომელსაც ზაქარიას სურვილით დაარქვეს იოანე. აქამდე დამუხჯებულმა ზაქარიამ მართლაც გაიღო ხმა და აკურთხებდა უფალს. იუდეის თიანეთს მოედო ეს საოცარი ამბავი და დააფიქრა ხალხი. საკვირველი ყრმის მამა კი წინასწარმეტყველებდა და ამბობდა, რომ ღმერთმა გადმოხედო თავის ხალხს და დაბადა წინასწარმეტყველი, რომელიც განუშაადებდა გზას მომავალ უფალს. „ხოლო ყრმა იზრდებოდა და მტკიცდებ-

ოდა სულით, და იყო უთბანოში. იმ დღემდე, რომელიც მოხდა, ისრაელს“

(ლუკა, თავი 1).

უდაბნოში მცხოვრებ იოანეს „ემოსა აქლემის ბეწვი და წელს გრტყა ტყავის სარტყელი და საზრდელი მისი იყო კალთა და ველური თაფლი“.

(მათე, 3; 4)

მისმა ქადაგებამ ბევრს აუხილა თვალი და მონათვლის სურვილი აღუძრა. ამიტომ იუდეას მოსახლეობა, იერუსალიმის მცხოვრებნიც კი მიდიოდნენ მასთან მოსანათლად და აღიარებდნენ ცოდვებს. ნათლისმცემელი მოუწოდებდა ყველას სინანულისაკენ:

„ვინაიდან აწ უპვე ცული ხეების ღვსეთან დევს, ყოველი ხე, რომელი არ გამოიღვებს კეთილ ნაყოფს, მოიჭრება და ცეცხლს მიეცემა“ (ლუკა 3,9).

იოანეს ქადაგებამ ბევრს აფიქრებინა, რომ სწორედ ის იყო ქრისტი მაცხოვარი. აი, რა უპასუხა ნათლისმცემელმა დაემუხჯებულთ:

16. „მე განთლავთ თქვენ წყლით, მაგრამ მადის ჩემზე უძლიერესი, და მე იმის ღირსიც არა ვარ, რომ შეგხსნა მისი ხანის საკრელო და ის მოგნათლავთ თქვენ სულით წმიდით და ცეცხლით“.

17. მას ხელთ უპყრია თავისი არწალი და გაწმენდს თავის კალოს, და შეინახავს ხორბალს ბედელში, ხოლო ბუჩქს ნისცემს უშრეტ ცეცხლს“ (ლუკა 3,16—17).

და თქვა: მე ვარ ხმა უდაბნოში მლაღებელისა. გაამზადეთ გზა უფლსა, როგორც თქვა ესაია წინასწარმეტყველმა“ (იოანე, 1,23).

„ნეორე დღეს დაინახა იოანემ მისკენ მომავალი იესო და თქვა: აჰ, ტარიგი ღმერთისა, რომელიც იტვირთავს ქვეყნის ცოდვებს“ (იოანე, 1,29).

გაკვირვებული იოანე კრძალვით ეუბნება მასთან მოსანათლად მოსულ იესოს, რომ მას არ მართებდა უფლის ძის მონათვლა, რაზეც მაცხოვარმა ნიუგო: „დღეს იყოს ახლა, რადგან ჩვენ გვმართებს აღვასრულოთ ყოველი სიმართლე. მხოლოდ ამის შემდეგ გაბედა იოანე იესოს მონათვლა უბრალო მოკვდავით.“

„და როცა მონათლა იესო, მაშინვე ამოვიდა წყლიდან, და აჰა გაეხსნენ მას ცანი და იხილა სული ღმერთისა, დაბლა რომ ეშვებოდა მტრედით და გადმოდიოდა მასზე.“

და გაისმა ხმა ზეცით, რომელმაც თქვა, ეს არის ძე ჩემი საყვარელი, რომელშიც კეთილად გამოვჩნდი მე“. (მათე 9,16—17) იოანესთან მოსანათლად მოსულმა ხალხმა იხილა იგი, ვის მოსვლასაც წინასწარმეტყველებდა ნათლისმცემელი იესო ქრისტი მაცხოვარი, ვინაც „ნათელ-ილო“ ვითარცა მსახურმან ვინმე შჯულსაგან წყლისა და მიწისაგან, ხოლო მამით და სულით წმიდით ზეგარდამო იწამა და იდიდა—ჭურის ეცუა დაეფლა და აღდგა, ახლა მასეე სიმაღლეთა მამისა თანა და მომავალ არს დიდებითა“ (მოქცევაი, ქართლისაი, წმინდა ნინოს ლოცვა უფლისადმი).

პუბლიკაცია მოამზადა

ი. ხაშელიძე.

სახვარის ფალიდალი

მზენებარება აღიღს უთმოვს სიზვიდეს

აღმოსავლეთში პოპულარული იაპონური კალენდრის მიხედვით 12-წლიანი ციკლის ფარგლებში, ყოველ წელიწადს თავისი ცხოველი აქვს ნიშნად. 1991 წელი ცხვრის წელია. იაპონური პირობების მიხედვით, ცხვრის წელიწადი მშვიდი, თვინიერი, ნაკლებმღელვარეა. ამ წელში მოსალოდნელი არაა დიდი ძვრები, უმეტესწილად გვირგვინდება ცხენის წელში

დწყებულის საქმეები. ცხვრის წელიწადში დაბადებულები ერთი შეხედვით იღბლიანი ხალხია. მათ ნატიფი ხელოვნების ნიჭი აქვთ, უყვართ მუსიკა, პოეზია, მაგრამ ცხოვრებაში ხშირად ხვდებათ წინააღმდეგობები, რომლის გამოც ისინი უმწეო ხდებიან არა იმიტომ, რომ არ შეუძლიათ წინააღმდეგობების გადალახვა, შიში—ცხოვრებისთვის დამახასია-

თებელი ეს თვისებაა ამის მიზეზი. ცხოვრებაში ისინი პესიმისტები არიან. ხშირად ავადმყოფობენ. აქვთ რელიგიური რწმენა. საზრიანები, მომთმენები არიან, უყვართ კომფორტი. ფულისადმი დიდ ინტერესს არ იჩენენ, მათგან ბელადი იშვიათად გამოდის, მაგრამ ყველა მათგანი თავისი საქმის კარგი მცოდნეა. არიან ნაკლებად კონტაქტურები და ამიტომ სხვებიც ერიდებიან მათთან ზედმეტად ახლო ურთიერთობას. ცხვრის წელიწადი იყო: 1943, 1955, 1967, 1979 და იქნება 2003 წელი.

კალენდრის კოში

დიდი ხნიდან ითვლება, რომ ქალი უფრო მეტს ღირს პარაკობს, ვიდრე მამაკაცი. რატომ? გერმანელი და ინგლისელი მეცნიერები შემდეგ დასკვნამდე მივიდნენ, რომ ქალის თავის ტვინში, საუბრის ცენტრი უფრო მეტ ფართობს მოიცავს, ვიდრე მამაკაცის თავის ტვინში. გარდა ამისა ქალის ხმის სიმები უფრო ძლიერი და ელასტიურია, ვიდრე მამაკაცისა. მეცნიერები თვლიან, რომ ეს განპირობებული არის შემდეგი მიზეზით: ძველ დროში, როცა მამაკაცები დიდი ხნით მიდიოდნენ სახლიდან, ქალებს ბავშვებთან ხანგრძლივად უხდებოდათ

ყოფნა. სწორედ ამიტომ უფრო ხანგრძლივად უნდა ერთობამ გამოიწვიოს ბის ეს „უპირატესობა“. * * * ამსტრინელი სტომატოლოგის ფილა სატონის აზრით, კბილის ტკივილს ყველაზე ადვილად იტანენ ცისფერ-თვალემა ქალები. ტკივილის ამტანობით შემდეგი ადგილი უჭირავთ მწვანეთვალე ბიანებს, ხოლო თათლისფერ-თვალემა ქალებისათვის სტომატოლოგთან მისვლა ნამდვილ წამებაა. * * * ნმპაღში ნიშნობის ასეთი ჩვეულება არსებობს: 8-12 წლის გოგონას ხეზე ნიშნავენ. ამის მიზეზი ეს მრავალსაუკუნოვანი ინდუისტური ტრადიციია. გარდაცვლილ ქმართან ერთად უნდა დაიწვას მისი ქვრივიც. ამ საშინელი წესიდან თავის დასაქსნელად ტარდება ხესთან „ნიშნობა“. თუ ქვრივი ბავშვობაში ხეზეა „დანიშნული“, მას აღარ წვავენ. ის ხომ ხის ცოლად ითვლება(!)



ს ა შ ა შ ა თ ო ს ა კ ი თ ხ ა ვ ი

კაცობრიობის მთელი ისტორიის მანძილზე აღმნიშნები ეძებდნენ და ეძებენ პასუხს კითხვაზე—რა არის სიცოცხლის აზრი? ზოგი ფიქრობს, რომ სიცოცხლის საერთოდ არა აქვს აზრი, რადგან არ არსებობს უკვდავება — აღმნიშნები იბადება და კვდება; ასეთი საუბრეში რეცეპტიც მოუფიქრებიათ: კაცმა თავის შემდეგ უნდა დატოვოს სახლი, ხე და წიგნი. ერთმა ქალბატონმა საკუთარი ყოფის რაობა ამგვარად ჩამოაყალიბა: ვცდილობ ჩემთვის ძვირფას აღმნიშნებს ცხოვრება შევუმსუბუქო. მანვე შემოგვთავაზა რეკომენდაციები ცალკე ქალებისა და ცალკე მამაკაცებისათვის. ჩვენ, რასაკვირველია, კარგად გვესმის, რომ რჩევა ადვილია, შესრულება — გაცილებით ძნელი. და მაინც, გვინდა იმ ქალბატონის რეკომენდაციები მოგაწოდოთ, ვინძლო, რაიმეში ცოტა მაინც წავადგეთ.

დღე სუფთად უნდა გამოიყურებოდეს; არ აღაშთაულებდეს ქმარს ყველა ცოდვაში — შენი ვაჟიშვილი შენსავით დოცლაბია ან შენი ქალიშვილი შენსავით ჭიუტიათ. მამაკაცებისათვის: მამას უნდა აინტერესებდეს ყველაფერი, რაც შვილს ეხება — ეს არ გახლავთ მარტო საჭმელი და ტანსაცმელი; თუ მშობლები გაყრილი არიან და ბავშვი დედ-

რომ ქმარი ვერ ახერხებს იყოს კარგი საყვარელი; არადა ახლა არის ამის სწავლის შესაძლებლობა—წიგნებითა თუ სპეციალური კომპლუტაციებით. მამაკაცი — უფრო ძლიერი აღმნიშნები — უნდა ესწრაფოდეს ყველაზე მძიმე სამუშაო შინა და გარეთაც თავის თავზე აიღოს. არ დაივიწყოს საკუთარი დედა, საკუთარი მამა, არ მისცეს ცოლს მათი დამცირების, შეურაცხყოფის უფლება. ასეოდეს, რომ სიღებრი საყვარელი მეუღლის დედა. მასაც ისევე ფაქიზად და სამართლიანად უნდა ეპყრობოდეს, როგორც საკუთარ დედას, სიბერეში — განსაკუთრებით!

ქალმაც და კაცმაც უნდა იცოდნენ: არის კიდევ ერთი უმნიშვნელოვანესი რამ: შეუმცდარი ღმერთია მხოლოდ, აღმნიშნებს, ჩვეულებრივ, ბევრი ნაკლი გვაქვს. თუ მეორე ნახევარში რაიმე არ მოგვწონს, ვცადოთ შევეცადოთ ამას, ან რბილად ვურჩიოთ, გა-მოაწიროს. თორემ ყოველ წუთს ნაკლის ნახვასმას მხოლოდ ერთი შედეგი მოაქვს: ამძაფრებს განხეთქილებას და ახლოებს ყველაფერზე წერტილის დასმის დროს. ლოიალობა მხოლოდ პოლიტიკაში როდია მოღაში. აღმნიშნურ ურთიერთობებს ძალზე სჭირდება ზასიათის ეს საოცრად მიმზიდველი ნიშანი.

თქვენ რას იტყვოდით?

მანდილმანებისათვის: იყოს გულმოდგინე, სამართლიანი და ნაზი დედა, შრომისმოყვარე და მოწიწებული რძალი, ახსოვდეს, რომ დედამთილი — საყვარელი ქმრის დედაა. დიდილილობით საუბრე მოუშალოს ქმარს. ცხელი საჭმელი ლამაზი თევზებით და ლამაზ სუფრაზე მიართვას. მეუღლე სახლიდან მხოლოდ დანაყრებულ კი არ უნდა გადიოდეს, არამედ ცოლის მზრუნველობითა და სიყვარულით გამოთარიც. თვალ-ყური ადევნოს, რომ ქმარი გაუთოებული პერანგით, სუფთა კოსტუმით, გაუმენდილი ფეხსაცმლებით დადიოდეს. უსმენდეს ქმარს, რამდენ ხანსაც უნდა ლაპარაკობდეს იგი,

უსაფუძვლოდ არ აწყვეტინებდეს და არ ეწინააღმდეგებოდეს; საუბრისას უფრო მაღლა არ იყენებდეს თავს, რომ მეუღლის მამაკაცური ღირსება არ შელახოს; სტუმრად ყოფნისას არ შეეპაექროს ქმარს — ნეტა ერთი არ ამბობდეს რაღაცასო, თუნდაც მან აიწყვიტოს და წაბრახება მოახუროს. ყურადღებას აქცევდეს თავის გარეგნობას: ქალის საშინაო ტანსაცმელშიც მუდამ უნდა იგრძნობოდეს რაღაც პეწი. სახლშიც უნდა დაიყენოს თმა და გაიკეთოს მანიკური. იცოდეს საკუთარი ნაკლოვანებანი და ცდილობდეს მათ გამოსწორებას; გაშუღებებით რეცხავდეს, წმენდეს, ხეხავდეს — მშობლიური ბუ-

ასთან ცხოვრობს, მამა სასურველი აღმნიშნები უნდა იყოს მათ სახლში. ალიმენტები ნასუფრა-ლია და სხვა არაფერი. ბავშვს ნებისმიერ ასაკში სჭირდება მამის ყურადღება და სიბრძნე არანაკლებ, ვიდრე მატერიალური დახმარება. ცოლი რომ ლამაზი გეჩვენებოდეს, იგი უნდა გიყვარდეს! ეს კეშმარიტება დიდი ხნის დამტკიცებულია; სიყვარული კი არის ერთგულება, სინაზე, ყურადღება, ყვავილები და საჩუქრები. ქმარმა უნდა ისწავლოს საჭმლის მომზადება, რომ არ დასჭირდეს ლოინი, როდის დაბრუნდება ცოლი და როდის დადგება ქურასთან. თაჯბურ ცხოვრებაში ბევრი უსიამოვნება იქიდან მოდის,

ამ თურმე რა ყოფილა!

რა შურთ ქალების მამაკაცებს

გერმანელმა ფსიქოლოგებმა გამოკითხეს მამაკაცები, თუ რა შურთ მათ ქალებისა. აი რა გამოიკვამა:

- ქალები არ არიან სამხედროვადლებულნი;
- შეუძლიათ გააჩინონ შვილები;
- არ სჭირდებათ ყოველ დღით პირის გაპარსვა;
- სტატისტიკის მიხედვით 6 წლით მამაკაცებზე მეტს ცოცხლობენ;
- უფლება აქვთ იტირონ ხალხში;
- შეუძლიათ გაეცდნენ პოლიციელებს და ამით გაიადვილონ ძნელი საქმეები;
- არა აქვთ პრობლემები სექსის თვალსაზრისით;
- უფრო ადრე გადიან პენსიაზე;
- თუ ქალმა წარმატებას მიაღწია, მას გაცილებით მეტი ქება შეხვდება;
- ქალები უკეთესი მძღოლები არიან;
- შვილების უფრო მეტი საიდუმლო იციან, ვიდრე მამებმა;
- უფრო იოლად იტანენ ტკივილს;
- უფრო იოლად წყვეტენ არასასურველ კავშირებს.

წელს მოდია
რბ ფერები იქნება წელს მოდიაში, როგორც ჩაცმულობაში, ასევე კოსმეტიკაში? ამ შეკითხვაზე ინგლისელმა მეზოდელეებმა და კოსმეტიკოლოგებმა ასეთი პასუხი გასცეს:

წელს ჩაცმულობაში ძირითად ფერს მუქი ყავისფერი, შავი, თეთრი და შავთეთრი წარმოადგენს. მოდიაში ძირითადად ერთფერი ქსოვილი: აგრეთვე როგორც ფართო, ასევე წვრილზოლიანი. საერთოდ ქსოვილის სახის ამორჩევაში სრული თავისუფლებაა. რაც შეეხება ზამთრის კოსმეტიკას, მოდიაში: ყავ-

ისფერი. მუქყავისფერი, შავი, ნაცრისფერი ტონები. თვალის შავი მკვეთრი კონტური უნდა ამძაფრებდეს ქუთუთოების მუქ ტონს. ლაწვებისთვის უმჯობესია მუქი ჟანგისფერი „რუმიანი“. წამწამების მკვეთრი შეღებვა სავალდებულო არაა. ასე რომ, ძვირფასო ქალე-ბო ყური მიუგდეთ ამ რჩევებს.

საქართველოს საზოგადოებრივი მედიის სახელმწიფო კომიტეტი

ნაწილი და შორეო გვირგვინი

გილოცავთ მირიანის ბედნიერებას. სიხარული ავსებდეს თქვენს ფუძე-შენს. ღმერთი იყოს თქვენი ოჯახის მფარველი.

უენია ბობოხიძე, შარდენ გვირგვინი ოჯახებით.

ვადია ონიანს ალექსი საგუდიას

გილოცავთ ვაჟიშვილის ჩარიცხვას უმაღლეს სასწავლებელში.

ცაგერის პროფტექნიკური სასწავლებლის პედაგოგიური კოლექტივი და ტექნიკური პერსონალი.

ლარიკა ახვლედიანს დათო სათელიაძეს

გილოცავთ ქალიშვილის შეძენას. აღზრდილიყოს ღირსეული ქართველი ქალი. შემატებოდეს მრავალი და-ძმა.

ცაგერის პროფტექნიკური სასწავლებლის პედაგოგიური კოლექტივი და ტექნიკური პერსონალი.

დადი არსენის ასულ კოკალიანს

გილოცავთ დაბადების დღეს. გისურვებთ ჯანმრთელ და ხანგრძლივ სიცოცხლეს. შენს ქმარშვილთან ერთად მომავალი ახალი წელი და დაბადების დღე გეზეიმოს თავისუფალ საქართველოში.

იორამ ამირან, ომარი, ფოთოლა, ივრი ფუტკარაძეები, ოლეგი, ნანა მარინა, ელისო ცხველიანები.

შურა, ოთარ ყურაშვილებს

გილოცავთ შვილის ბედნიერებას. სულ სიხარული აქონოდეთ თქვენი ცხოვრების მანძილზე, მოსწრებოდეთ მრავალ შვილთაშვილს.

საშა ჩაკვეტაძე, სამსონ კოპალიანი, გივი ქარსელაძე, აბესალომ გოგიძე, ლერი სალინაძე.

დადი გელას ასულ ახვლედიანს მირზა ავთანდილის ძე ხმუშურიანს

გილოცავთ დაბადების დღეს. გისურვებთ ჯანმრთელობას და დიდხანს სიცოცხლეს.

ვაჟა, შურა, ჭემალ, მერი, ემზარ, დემურ, მაია, რიტა გუგავები.

ნანი მანაგაძეს თამაზ ჩიქოვანს

გილოცავთ ქალიშვილის შეძენას. გაზრდილიყოს სასახლო ქართველი ქალი.

ურა, ალექსანდრე, ბორის, აქვსენტი გოლე თიანები ოჯახებით.

ავთანდილ ქაჯანას ძე მუშაშვიანს

გილოცავთ ისტორიის მეცნიერებათა კანდიდატის ხარისხის მინიჭებას. გისურვებთ კვლავ წარმატებების მოპოვებას.

ლასურიაშის საშუალო სკოლის პედაგოგიური კოლექტივი და ტექნიკური პერსონალი.

გუდო გოლეთიანს შოთა კოკალიანს

გილოცავთ შვილიშვილის შეძენას. ძეობა, გამრავლება და სიხარული ნუ მოაკლავთ თქვენს ოჯახს ღმერთმა.

უახლოესი მეზობლები დენსა სილაგაძე, ჯაურ გრიშა საღინაძეები, კარლო დემურ ჩაკვეტაძეები, დათო, ბორის ხეცურიანები, თამაზ, სოზარ ბენდელიანები, მურთაზ ჩარკვიანი, ნუშარ ხვადაგიანი, გივი ბენდელიანი, შოთა კოპალიანი, ანზორ ტვილდიაძე, მიშა ფოჩხიძე.

თამარ, სევერიან კოკალიანს

გილოცავთ შვილთაშვილის შეძენას. გაზრდილიყოს ერის სასახლო შვილი.

უახლოესი მეზობლები დენსა სილაგაძე, ჯაურ გრიშა საღინაძეები, კარლო დემურ ჩაკვეტაძეები, დათო, ბორის ხეცურიანები, თამაზ, სოზარ ბენდელიანები, მურთაზ ჩარკვიანი, ნუშარ ხვადაგიანი, გივი ბენდელიანი, შოთა კოპალიანი, ანზორ ტვილდიაძე, მიშა ფოჩხიძე.

ნანი მანაგაძეს თამაზ ჩიქოვანს

გილოცავთ ქალიშვილის შეძენას. გაზრდილიყოს ერის სასახლო ქალი. შემატებოდეს მრავალი და-ძმა.

ცაგერის საფინანსო განყოფილების, საგადასახადო ინსპექციის თანამშრომლები.

ქართული შინაგან მაცხოვრებელი

წარმატებული ცდები

სამრეწველო და სუფრის ჯიშის ვაზის გაშენების ახალი სისტემა შეიმუშავეს საქართველოს მეზღვრობის, მევენახეობისა და მეღვინეობის სამეცნიერო-კვლევითი ინსტიტუტის მეცნიერებმა და სპეციალისტებმა. ეს სისტემა ითვალისწინებს ნერგების ჩარგვას ჰიდროპურლებზე მეშვეობით, საურდენი შპალერების მოწყობას ვაზის რქის პორიზონტალური გაფორმებისათვის. დადგენილია აგრეთვე ფესვების რწყვისა და კვების ნორმები, სხვა პარამეტრები.

როგორც გამოცდამ გვიჩვენა, ასეთი მეთოდით გაშენებული ვენახი მეორე ვეგეტაციის პერიოდში ჰექტარზე 35-40 ცენტნერ ყურძენს იძლევა, ხოლო მესამე წელს კი—80-100 ცენტნერს.

საქართველოს რესპუბლიკის მეცნიერებათა აკადემიის ცენტრალური ბოტანიკური ბაღის საკოლმეურნეო ფილიალის საცდელ

ნაწილში მიიღეს ხასხასა წითელი მსხვილმარცვლიანი შტოში—„ჩრდილოეთის ყურძენი“. ეს მარცვლი, რომელიც ჩვეულებრივად აღრული სიციფების პერიოდში მწიფდება და როგორც მიაჩნდათ, განუმეორებელ გემოს იძენს მხოლოდ აცოების შემდეგ, არანაკლებ მაღის მომგვრელი აღმოჩნდა სამხრეთის მზის ქვეშაც.

შტოში—ეს ვიტამინების „საბაღო“, შესანიშნავი პირის ჩასატკბარუნებელი როგორც ბავშვებისათვის, ისე მოზარდილათვისაც, არის აგრეთვე მურაბისა და ჯემის ნედლეული, იგი შეიძლება გამოვიყენოთ საექსპორტოდ.

ამერიკული მსხვილნაყოფიანი შტოშის 12 სხვადასხვა ჯიშის რქა რესპუბლიკაში მეცნიერებმა შემოიტანეს იმ მიზნით, რათა გამოეცადათ გაიხარებდა თუ არა ის კოლხეთის პირობებში. უნდა ითქვას, რომ ისინი შესანიშნავად შეეგუენ კოლხეთის მიწას.



დადი გელას ასულ ახვლედიანს მირზა ავთანდილის ძე ხმუშურიანს

გილოცავთ ბედნიერებას. შეგექმნათ ფუძემდებელი ოჯახი. სიყვარული, სიხარული და ბედნიერება ყოფილიყოს თქვენი მეგზური მრავალწლიანი.

ვაჟა, ჭემალ, შურა, მერი, ემზარ, დემურ, მაია, რიტა გუგავები, ლია მუშკუდიანი.

ფატი გალაქტიონის ასულ გურგუჩიანს მირიან შორას ძე გვირგვინს

გილოცავთ ბედნიერებას. გისურვებთ ამოღებულ სიყვარულით გველოთ ცხოვრების გრძელ გზაზე. ღმერთი იყოს თქვენი მფარველი.

ლანა, ლელა, ლაშა ბურჯალიანები, ნათია ფიქრია, ზურიკო გვირგვინები.

ს. შენი მასალების სამეურნეო-ოპირისო საწარმოს თანამშრომლები თანაუგრძნობენ ნაგულ გურგუჩიანს ბიძის ქიქიკო ტვალდაძის გარდაცვალების გამო.

აგროსამრეწველო გაერთიანების მუშაკები თანაუგრძნობენ თემურ სილაგაძეს სიძის

რეზო გუგავას გარდაცვალების გამო.

ოთარ, ჭემალ კობერიძეები ოჯახებით თანაუგრძნობენ ლინარა მუშკუდიანს მეუღლის

კუჭური მუშკუდიანის გარდაცვალების გამო.

გულვერ, როსტომ, ბეკან, ვლადიმერ, ამირან, ბადრი ბრეგვაძეები იუწყებიან, რომ გარდაიცვალა კუჭური არტემის ძე მუშკუდიანი.

დედო ცაცა, ბიძა აკაკი, დედოშვილები ლილა, მურთაზ, რეზო მახარობლიძეები, რძლები ზაირა გურგუჩიანი, ნათელა ზალკალიანი, სიძე მურად კენჭაძე მწუხარებით იუწყებიან, რომ გარდაიცვალა


ანზორ ალექსანდრეს ძე კანაჩაძე

სარაიონო კულტურის სახლის და ცენტრალიზებული ბუღალტერიის თანამშრომლები თანაუგრძნობენ რუბენ გოგიძეს ბიძის

დიომიდე ქაბუკიანის გარდაცვალების გამო.

დედო გოგუცა, რძალი ლილი სვანიძე, ძმისშვილები მარინე, თემური იუწყებიან, რომ გარდაიცვალა

ანზორ ალექსანდრეს ძე კანაჩაძე



კიდევ ერთი ტრაგედია

მიმდინარე წლის 4 იანვარს 19 საათსა და 30 წუთზე სოფელ ოყურეში საავტომობილო გზაზე მოძრაობდა გაზ 69 მარკის, სახელმწიფო ნომერი ე 8446 გრ ავტომანქანა, რომელსაც მართავდა მფლობელი ლერი გრიშას ძე ლიპარიძე, მცხოვრები ქალაქ ხონის გამარჯვების ქუჩის №43-ში, რომელმაც ვერ უზრუნველყო ავტომანქანის მართვის სწორი ორიენტაცია, გადავარდა გზიდან 15 მეტრის სიმაღლის ხევში.

მომხდარი ავტოსაგზაო შემთხვევის შედეგად გარდაიცვალა თვით მძღოლი ლ.გ. ლიპარიძე და 3 მგზავრი.

ავტოსაგზაო შემთხვევის მიზეზების გამოძიებას აწარმოებს შინაგან საქმეთა რაიგანყოფილება.

რ. საღინაძე,

შინაგან საქმეთა ცაგერის რაიგანყოფილების უფროსი სახელმწიფო ავტონსპექტორი, მილიციის დეიტენანტი.

რედაქციისათვის: ახალ, 1991 წელს რაიონის გზებზე ეს პირველი შემთხვევაა, რომელიც ასე სამწუხაროდ დამთავრდა. უბედურმა შემთხვევამ შეიწირა 4 ქართველის სიცოცხლე. ჭერჯერობით მიზეზი უცნობია, მაგრამ მისი გარკვევა მომხდარ ქაშინელება ვერც შეარბილებს და ვერც გაამაფრებს.

დაე, ეს ყოფილიყოს პირველი და უანასკნელი. ყველა ავტომძღოლს ვუთრებთ ბედნიერ გზას. საქართველოს არაჰყავს დასაქარგი შვილები.

რედაქტორი

ნ. ნემსაძე.

გვენი მისამართი: 884100 ცაგერი, ლენინის ქ. პრ.ბაღმეფონი: რედაქტორის—22-81, რედაქტორის მოადგილის—22-85, პასუხისმგებელი მდივნის—25-2. სახალხო მეურნეობის განყოფილების—22-88, მშრომელთა წიგნების განყოფილების—22-41, საკრედიტო—22-48. სტამბის დირექტორის—22-17, სამეცნიერო სამსახურის—22-28, გაზეთი გამოდის სამშაბათს, ხუთშაბათს, შაბათს, შეკვეთა №1 ტირაჟი 4518

საქართველოს ბეჭდვითი სიტყვის სახელმწიფო კომიტეტის ქუთაისის პოლიგრაფიული გაერთიანების ცაგერის სტამბა.